

4. BALKOIEI ETA LEIHOEN EDERTZE LEHIAKETA

Ermuko Udalak Balkoien eta leihoen edertze lehiaketan parte hartzera gonbidatzen ditu herritarrak.

HELBURUA

Lehiaketa honen helburua da, herritarren parte hartzearen bidez, Ermuko ingurumen kalitatea eta irudia hobetzea. Landareen eta loreen garrantzia nabarmendu nahi da hiriko ingurune atsegina eta ederragoa lortze aldera eta, bide batez, ohitura on hori herritarren artean zabaltzea.

PARTE-HARTZAILEAK

Lehiaketa honetan Ermuko hirigunean bizi diren herritar guztiek parte har dezakete, aldez aurretik izena eman badute.

FURGOBARATZA

- Maiatzaren 27an, Orbe Kardinal Plazan izango da "FurgoBaratzan" (10:00-13:00). Pertsonako lore bakarra banatuko da, hauek amaitu arte. Lora jasotzeko beharrezkoa izango da NANA erakustea.
- FurgoBaratzan ezin izango da izen eman.

IZEN-EMATEA

Izena emateko aukera hauek daude:

- Maiatzak 27tik ekainak 10ra arte, biak barne, Abiapuntuan. Izen-ematea formalizatzen den momentuan emango zaio parte hartzaileari balkoi edo leihoan jarri beharko duen bereizgarria. Derrigorra da bereizgarria leku ikusgai baten kokatzea epaimahaiak ikusi ahal izateko.
- Esku-orrian dagoen QR inprimakia betez.
- tconde@udalermua.net helbidera mezu bat bidaliz.
- QR edo email bidez izen eman dutenek, ekainaren 17a baino lehen Abiapuntun jaso beharko dute bereizgarria, eta kaletik ikus daitekeen leku batean jarri beharko da (ekainaren 20tik 26ra). Bereizgarri horrek parte hartzen duen balkoia edo leihoa identifikatzeko balioko dio epaimahaiari.
- Kategoria bakar bat ezarriko da: balkoi edo leiho hoberena.

OINARRIAK

- Balkoi edo leiho ederrena sarituko da.
- Landare edo lore biziak erabiliko dira edertzeko.
- Kaletik ikusteko aukera izan beharko du epaimahaiak. Epaimahaia ez da etxeetara igoko.
- Parte-hartzaileek edertzeko askatasuna izango dute, beti ere ingurua errespetatuz (auzokideak, kalea...) eta segurtasuna bermatuz. Loreontzi eta mazeta hauen erorketa saihesten duen babes-elementurik gabe kokatzea debekatzen duela gogorarazten da. Bestalde, ezingo dira landareak apaindura ezereztan duten lata edo ontzietan kokatu. Landareak ureztatzen direnean kalera urik ez isurtzeko moduan egingo da.
- Balkoi edo leiho parte-hartzailea kaletik ikusteko modukoa izango da eta bereizgarria ikusgarri eduki beharko du epaimahaiak identifika dezan ekainaren 20etik 26ra arte. Baldintza hauek betetzen ez badira ez da balkoi edo leihoa baloratuko eta ondorioz, deskalifikatu egingo da.
- Pertsona berak ezin izango ditu bi edizio baino gehiago irabazi.

·EPAIMAHAIA

- Epaimahaiaren epaia apelaezina izango da.
- Epaimahaia lorategigintzan edo hiri-edertze lanetan aditu batek eta udal ordezkari batek osatuko dute.
- Epaimahaiak hautaketa eztabaidak eta bozketak ateak itxitako bileretan egingo ditu.
- Epaimahaiak balkoi eta leihoen balorazioa ekaineko azken astean egingo du.

BALORAZIOA

Epaimahai kalifikatzaileak ondoko irizpideetan oinarrituko du bere puntuazioa:

- Kanpoaldetik ikusgarria izatea.
- Konposizioaren originaltasuna eta sormena.
- Apainketaren kalitatea.
- Apainketaren harmonia eta diseinua.
- Konplexutasuna.

SARIAK

2 sari mota egongo dira:

- Herrian: lehen saria 200 euroko bonu bat izango da eta bigarrena 150 euroko bonu bat, biak Ermuko Merkataritza Guneko kide diren saltokietan erabiltzeko.
- Eskualdean: 250 euroko bonua, irabazleak bere herriko saltokietan erabil dezan.

Eskualde mailako saria eta herri mailako saria bateraezinak dira.

Epaimahaiaren erabakiaren adierazpena eta sari banaketa uztailan egingo dira. Parte-hartzaileei aurrez jakinaraziko zaie noiz eta non egingo den sari banaketa.

Sariak eman gabe geratu ahal izango dira, Epaimahaiak eskatzen diren kalitate-mailak lortzen ez direla uste badu.

KONPROMISOA

Udala telefonoz edota email bitartez harremanetan jarriko da irabazleekin

Parte-hartze hutsagatik, partaideak udalari bere identitatea (izena eta bi abizenak) eta saritutako balkoi edo leihoaren argazkia argitaratzeko baimena ematen dio, lehiaketaren emaitzak publiko orokorrari jakinarazteko udal webgunearen (www.ermua.es) eta prentsa ohar edo antzekoen bitartez.

Parte-hartzaileek balkoiei eta leihoei argazkiak ateratzeko eta zabaltzeko baimena emango dute.

Izena emateak berekin dakar lehiaketaren oinarriak eta epaimahaikideen erabakia onartzea.

Epaimahaiaren erabakia apelaezina izango da.

Parte-hartzaileek onartu egiten dute balkoiak eta leihoak edertzeko lehiaketaren hurrengo edizioei buruzko etorkizuneko komunikazioak jasotzea.